

不異於昔精力甚健登山如飛遇飲而飲遇食而食或碎穀數日不避寒暑蕭然一庵傍無侍者常夜坐於飛雲頂石巖間有虎侍傍不叱遣之連旦乃去貴宦遊山求見之多不遇遣之詩者不一宋理宗末年猶在

歷世真仙體道通鑑卷之五十二

歷世真仙體道通鑑卷之五十三

十一

浮雲山聖壽萬年宮道士趙道一編修

林靈龜

先生姓林本名靈龜字通叟温州永嘉人也家業寒微其母夜歸覺紅雲覆身因而有孕懷胎二十四月一夕夢日光入室有神人衣綠袍玉帶眼出日光執筆告曰來日借此居也翌日陰雲四合霹靂三聲先生即降誕金光滿室相貌殊倫長五歲不語時五月五日風雨大作有道士頂青玉冠衣霞衣不告而入見先生喜曰久不相覩特來上謁相顧撫掌大笑出門追之不及自此能言出語有據不雜兒戲七歲讀書粗能作詩日記萬字蘇東坡軼來見以曆日與讀一覽了無遺誤東坡驚異曰子聰明過我富貴可立待先生笑而答曰我之志則異於先生矣東坡云子當如何先生曰生封侯死立廟未為貴也封侯虛名廟食不離下鬼願作神仙子之志也先生年將三十博通儒道經典志慕清虛語論孤高迥脫塵俗初先生遊西洛遇一道人姓

趙交游數載忽一日道人云我大數將至與子暫別後事望子主之七日果死乃在客舍先生竟為沐浴安葬遺下青錢二十五貫盡其數用不餘不闕及遺衣囊中有書三冊細字如珠間有天篆人莫能識分為十九篇盛以絳紗題云付與林某冊上題曰神霄天壇玉書皆有神仙變化法言與雲致雨符咒驅遣下鬼役使萬靈冊尾有支使二十五貫錢數逐項皆合先生自受其玉書豁然神悟察見鬼神誦呪書符策役雷電追攝邪魔與人禁治疾苦立見功驗驅瘟伐廟無施不靈先生次年至岳陽酒肆復見趙道人云子乃漢天師弟子趙昇也向者所授五雷玉書謹而行之不可輕泄即日為神霄教主雷霆大判官東華帝君有難力當救之崇寧五年中秋夜徽宗皇帝夢遊神霄府赴玉帝所召乘車輦侍衛森列騰空而上遙望金闕門仙官玉童金甲力士備守之次見一人星冠法服執圭前引帝入闕門上有朱牌金字曰神霄玉闕之門次向西有一門殿上牌曰碧霞之殿

殿上金光如日不能仰視次過一小院金釘朱戶曰玉樞院分司列局官吏嚴肅有一朱衣吏引而入揖云此帝君舊居請坐東位少待須臾有一玉童引帝朝見玉皇帝稽首再拜惟見金光中傳旨下云修國事去茲臣任忠賢守宗社帝即再拜出見朱衣吏送出金門門復以七寶華車及侍衛官吏送帝自天門而下約百餘步見一道人青服青巾踏青牛而上從者皆鬼面岩鏡二鬼面四目執幡而前仗劍持戈導從甚肅至御駕前揚鞭呼萬歲帝急駐車按問道人奏曰今日伏覲天顏臣之萬幸言訖駕青牛自天門而上帝夢覺錄記之大觀二年四月詔求天下有道之士茅山宗師劉混康奏曰臣以愚蒙無可副聖意有在世神仙林靈齋生居永嘉何下詔之晚也帝即遣使求之不起至政和六年十月駕幸於太乙東宮敕委道錄徐知常奏所有温州道士林靈齋在道院安下言貌與常景言神霄事人莫能曉嘗作神霄謠題于壁今錄奏呈帝覽讀其文皆神仙妙語喜甚

乃令徐知常引林靈齋入見帝曰卿有何法術先生奏云臣上知天上中識人間下知地府等事帝視先生風貌如舊日識之帝曰卿昔仕乎舊曾面朕乎先生奏對臣往年中秋上朝玉帝瞻見陛下天顏曾起居聖駕帝曰朕方省之記得卿乘青牛今牛何在先生奏曰青牛寄牧外國非久進來帝甚奇之御書改名靈素賜號通真達靈先生非時宣召入內劑定道史經錄靈壇等事帝以師事之特建通真宮為居與寶籙宮建仁濟亭散施符藥次開神霄錄壇神霄宮成帝領群臣蔡京等慶宮早齋罷帝引百官遊行曰宣德五門來萬國蔡京等沈思無以答帝顧林曰師能對否先生應聲曰神霄一府總諸天帝大喜先生被旨修正一黃籙青籙科儀編排三界聖位校正丹經子書每月初七日陞座泊親王內貴文武百官皆集聽講三洞道經或御駕親臨亦于座下自此東京人方知末道也

書龍章鳳篆九等雷法集成玉篇進上昔漢天師有神霄雷書二十卷并天部靈司八角雷印六顆至第八代天師藏十卷并六印文并晉大癘印文國初張守真遇洞聖真君傳賜五卷帝欲得雷書金經全足收入道藏求訪不得先生靜夜飛神從玉華天尊奏告上帝乞賜觀看雷文并靈司等印帝遣六丁玉女以印授之一天壇玉印一神霄嗣教宗師印一都管雷公印一天部靈司印皆堅如鐵石非金非玉及以雷書五卷賜靈素看先生拜謝懷印而還省錄雷書進奏遂得全集政和七年七月高麗國果進青牛到京帝不勝欣喜百官拜賀帝即賜先生乘騎入朝先生遂作青牛歌一篇首句有云政和丁酉西風秋天子賜以騎青牛成篇進奏帝大悅八月先生復撰明點網紀錄進帝賜錢梓重和元年華山因開三清殿基巨石匣中有雷文法書一冊乃金地蘭紙進至御前與先生上年所進雷書不差一字帝喜曰何靈素神聖聰明記之如此帝又於禁中自書青詞寶籙

皇朝通鑑云政和七年兩浙道士林靈素至京師二月即上青籙靈寶命通真先生以靈素講道經及玉清神霄玉降先生集九天秘生記有翔鶴數千飛鳥人之先生集九天秘

奏翌日宣先生問曰卿嘗言能知天上事朕昨夜奏青詞達否對曰青詞不達緣誤寫一字為靈官所收歷歷讀奏帝撫先生背曰真人聰明神仙也奉勅賜玉真教主神霄宮林公伴儲帝嘆曰每思皇后英魂何歸朕嘗聞唐明皇令葉先生追揚太真相見師能致否先生應云謹領聖諭至夜設醮飛符召之奏云皇后見在五華宮與西王母宴集聞宣召頃刻駕青鸞而至移時聞異香襲人天花亂墜仙樂滿空皇后即至矣帝熱視與存日無異但仙服主履與人間不同后見帝曰臣妾昔為仙官主者因神霄相會思凡得罪謫下人間今業緣已滿還還舊職荷帝寵召聞命即臨願陛下知丙午之亂奉大道去華飾任忠良滅姦黨修德行誅童蔡此禍可免他時玉府再會天顏不然則大禍將臨因循沈墜切為陛下憂之帝問卿昔在仙班是何職位曰臣妾即紫虛元君陰神也陛下即東華帝君也帝曰禁中諸人并臣僚等無惜一言曰明節乃紫虛玄靈夫人王皇后乃厭花菩薩

太子乃龜山羅漢尊者蔡京乃北都六洞魔王第二洞大鬼頭童實是飛天大鬼母林先生是神霄教主兼雷電大判官徐知常是東海巨蟾精帝又問國祚如何默然不答良久云天數有限不敢久留言訖漸漸不見先生嘗與帝飛神遊青華宮上遊月府福地洞天靡所不到凡有醮告多致景雲仙鶴之翔亢旱祈禳則肅命風雷興雲降雨五月賜金門羽客通真達靈元妙先生侍中大夫九月特授本品真官免視法十月天寧節前三日建祝壽大醮奏邀御駕候三更瞻見鬱羅蕭臺天仙衆真俱從太上道君親降與陛下增壽帝聞之齋沐同三殿九宮宰執親王同觀勝事是夜天無浮翳月朗風清初聞天香滿席仙鶴翔翔五色彩雲四合而上仙樂聲喧環佩採響去地丑文餘虛光明中閃出樓臺宮殿天下力士玉女金童建節捧香遠於臺畔上有玉牌金篆鬱羅蕭臺四字衆人皆不見惟帝與張虛靜見之帝上香再拜宣皇太子看良久太子曰泗州大聖寶塔也帝怒勅內

侍策出奉聖旨皇太子不得再與神霄醮會上謂先生曰太子元是龜山尊者亦曰聖賢何如此不通正教先生對曰羅漢生前持齋戒戒忍辱修行既墮凡間合為貴人但有孝慈不通玄旨願陛下勿責太子也十一月賜沖和殿侍宸十二月奉修佑聖殿帝曰願見真武聖像先生曰容臣同虛靜天師奏請宿殿致齋於正午時黑雲蔽日大雷霹靂火光中現蒼龜巨蛇塞于殿下帝祝香再拜告曰願見真君幸垂降鑒靈虛一聲龜蛇不見但見一巨足塞于帝殿下帝又上香再拜云伏願玄元聖祖應化慈悲既沐降臨得見一小身不勝慶幸須臾遂現身長文餘端巖妙相披髮皂袍垂地金甲大袖玉帶腕劍跣足頂有圓光結帶飛繞立一時久帝自能寫真更宣畫院寫成間忽不見次日安奉醮謝蔡京奏云切恐真君未易降于人間昔日太宗皇帝曾命張守真請降亦有畫本用匣御封藏于閣下群臣皆不許見之乞取對之可見真偽奉聖旨宣取太宗御封尚在拆展看與今



來現本一同更無差殊帝愈悅又請北斗七真二使者乘金橋而降此不盡錄帝瞻拜七真聞斗中降語云幸速避地勿尚奢華當出聖斷母聽姦邪所敗言訖迤邐昇空此夜帝喜邀虛靜與先生同宴宴罷同遊禁中一閣

下見碑題曰元祐姦黨之碑先生與虛靜看之各俛首致敬因請紙筆題詩云蘇黃不作文章客董蔡反為社稷臣三十年來無定論不知姦黨是何人帝翌日以詩示太師蔡京京皇恐無地乞出不允先生有一室兩面總前門後壁乃入靖之處中有二椅外常封鎖不許一切人入雖駕到亦不引入其室蔡京疑遣八廟密探之有黃羅帳上銷金龍床及朱紅椅卓奏上林公有僭意願陛下親往臣當從駕指示敢有不實臣當萬死帝即幸通

真宮先生迎駕起居帝與京徑入其室啓封關鎖但見粉壁明窗椅卓二隻他無一物蔡京驚惶戰懼叩頭請罪先生請問其因帝曰蔡京可誅先生奏乞赦之乃指室中壁上請帝近觀帝子細看之有一小符乃金樓玉殿

符也下畫黃羅帳如錢大上有細字書云天尊御座先生曰臣每請玉華天尊下降坐此臣焉敢僭帝笑曰知游戲得好帝曰朕聞漢武帝嘗請西王母降見問道朕欲見西王母卿能致否先生云謹領聖諭乃於香爐上燒

一小符少頃見王母領諸玉女乘雲而降一如常人與帝對坐願先生曰今日何緣特蒙相召先生曰今天子慕道願見元君帝即起拈香再拜王母曰東華帝君免拜帝曰令親仙顏萬劫千生實為榮幸若有指教敢望聖慈王母曰凡事可請問侍宸林先生張虛靜天師可脫大難帝曰元君既降得無垂訓王母遂授帝神丹補益之術曰察姦臣遷都長安法太祖太宗行事雖見小災不為大禍不然後悔無及矣言訖而去一日皇太子上殿

奏曰林靈素妖術願陛下誅之臣每日念他自知法廣大不可思議如陛下不信乞宣法師等皆見在京可與林靈素關法別其邪正時有十四人會於凝神殿帝宣太子諸王暨群臣觀看先生糞水一口化成五色雲中有

仙鶴百數飛繞殿前又有金龍獅子雜於雲間亦等奏曰此非也乃紙龍鶴耳容臣等觀大神呪即令龍鶴墜地化為紙也太子聞之喜曰若果然則林靈素法偽當斬正誦呪間十四人中止有兩人能誦餘者皆不能語言

面若死灰皇太子叱先生曰諸人若死教爾還命念呪訖仙鶴龍加百數蔽日遮雲帝曰此件無效別有何術十二人皆伏地戰懼其二人奏云臣能呪水百沸宣水令呪果然太子擊水孟向帝前呼先生看先生取氣一口吹水中水即清涼且結成冰帝責云本朝待汝等甚厚敢來妄言先生奏云乞燒木炭一千斤為火洞裏通紅臣乞與二人同入試驗良久火洞已成先生云臣乞先入洞乞命二人隨入先生入火洞火不著衣諸人伏地

哀鳴告太子曰乞救臣等性命情願戴冠執簡聽役施行皇太子下殿拜告乞納皇太子冊贖罪奉聖旨免罪惟道堅二人係中國人不應回上送關封府刺面次配於前令衆宣和元年正月八日上詔天下僧徒並改稱德

士先生上表云臣本山林之士誤蒙聖恩若更改僧徒必招衆怨乞依舊布衣還鄉聖旨不允不得再有陳請五月大水犯都城帝命先生治之先生奏曰此水難治乃天意以戒陛下兼此水自太子而得臣不敢滿泄天機但誠令太子拜之可信也即令太子上城降御香四拜水退一丈至夜水退盡京城人皆言太子德也先生上奏云臣初奉天命而來為陛下去陰魔斷妖異與神霄建寶錄崇大道贊忠賢奉祭京鬼之首任之以重權重賞國之賊付之以兵衛國事不修奢華太甚其星所臨陛下不能積行以讓之太乙離宮陛下不能遷都以避之人心則天之舍皇天雖高人心易感也故修人事可應天心若言大數不可逃宜知有過期之曆臣今擬暫別龍顏無復再瞻天表切忌丙午丁未甲兵長驅血腥萬里天眷兩官不能保守陛下宜不見表天綱推背圖詩云兩朝天子笑欣欣引領群臣渡孟津拱手自然難進退欲去不去愁殺人臣靈素疾苦在身乞骸骨歸鄉又降詔

不允冬全臺上言林靈素妄議連都妖惑聖聽改除釋教毀謗大臣先生聞之大笑呼諸弟子并監官官吏曰前後宣賜之物約三百禮自去年用千字文字號封鎖籍書分明一無所用可迴納官中只喚一童子攜衣被行出國門宣喚不迴帝賜官溫州東海亭郡云十一月乙卯祀昊天上帝于圓壇大赦天下赦林靈素歸山先生領在京時雖軍親親王不與交談亦不接見賓客惟虛靜天師至即開門對話終日終宵此外則東西皇城使張如悔者舊在通真宮出則同行坐則同席宗師法教獨張一人得其妙也既還鄉則同居永嘉宣和元年八月忽一日携表見太守乞為進及別州官親族隣里曰塵世不可久戀况大禍將及即當辭去至十五日既望命如悔曰吾法門以付惟汝尚有六印九符并六丁妙用神機盡付與汝世代只傳一人無致輕泄并七寶素珠一事如主上來取即便分付汝將來當為朝廷全節大忠今則別去他時神霄再會言訖索紙筆書頌云四十五歲勞生浮名滿世崢嶸只記神

霄舊路中秋月上三更書訖上香一炷時正三更月朗風清忽有霹靂一聲先生坐化而去先自指墳於郭外遺囑張公與諸弟子曰可於正穴下更開深五尺見龜蛇即遂下棺見五色氣出不候蓋土急走百步弟子依其言果見山崩石裂不知所在帝聞之驚嘆嗚噎御製祭文勅嗚呼生者假有死者返真志道者為洞達之士哀死者非悟解之倫倏爾而來洞然而去去住不以形骸為己累存亡不以顯榮為足珍乃超生死之道遠幻化之理惟仙卿之能乎嗚呼仙卿之生非生也天將假手佐天行化助國濟民仙卿之死非死也復歸乎天大道成行群迷已覺故神凝粹乎天真尸解託乎世數乘雲氣騎日月遊蓬瀛之巔乎步紫虛之玉躡乎不可得而測之者也今仰守臣執人間之世禮致祭祭前若精爽不昧歎此寵嘉高賢勅侍宸林公羽化仰守臣閭丘等如法致祭仰侍從官吏卜地安葬將囊中金器出賣作黃錄大觀一月日欠錢將省庫錢支用錄奏呈不得觀望凝裂

當別差官審察以稱朕旨始終待遇之意勅封九十五字尊號寶結勅賜高上神霄玉清

府右極西臺仙卿雷震玉樞元明普化天師洞明文選契元應真傳道輔教宗師余門羽客冲和殿侍宸行特進太宰同中書門下平

章事上柱國魯國郡開國公食邑八千一百戶實封三千戶賜紫玉符通真達靈元妙

護國先生林靈素靖康元年淵聖皇帝即位果元取七寶素珠次遣使監温州郡守巡尉

伐墓三日不知去處但見亂石縱橫黑風大雨雷電火光霹靂震地人面不能相親異獸

巨蛇交出護衛乃實錄其事具奏淵聖聞之大驚再遣使賜御香至温州委守臣修設大

醮奉安謝罪勅封通真達靈真人仍下詔令綵繪真容立祠于天慶觀迄今存焉

摩士取延禧作華師文章引證故事古題淵深非博學士夫莫能曉識僕今將事實作常言切欲泰道士俗咸知先生之仙迹及未仕居西洛遇先生以文一冊其言及日開各得依法行之可脫大難即悟長生不然則潮陽相過於古驛中此時之悔矣初不以為然亦不記先生所教文字因奏辭事果春誦本見一少年綉衣紅纓徑入驛中熟視

之脚先生也笑問曰前曾不謬乎始知先生是真神仙也於是重編本傳以示後人前尚書左僕射趙鼎記

王文卿

先生姓王名文卿字述道世本江右建昌南豐人也先生生於宋哲宗元祐八年二月十

七日亥時生而神異長而聰敏嘗為詩有紅塵富貴無心戀紫府真仙有志攀之句一日

忽告父曰夜夢至一所樓觀森秀有一巨蛇鑄于地某試躡其首蛇奮起幾登霄漢父曰

子當續吾仙宗也先生繼而性慕清虛志惟養素不貪名利遠於塵勞每樂遊靈境勝

地迤邐幅巾笻杖曠遊寰宇徽宗宣和初將渡揚子江遇一異人披以飛章謁帝之法及

嘯命風雷之書每克辰飛章謁朝上帝召雷祈雨叱說風雲久雨祈晴則天即朗霽深冬

祈雪則六花飄空或人家效崇為害即遣神將驅治俱獲安迹常隱聲不響詩酒落魄俗

流不得而曉先是侍宸林靈素奏徽宗皇帝云先生乃三天都史掌文史下生人世以贊清靜之化凡十八詔天下搜求不知所在皇

叔廉訪使巡歷至高郵軍得病醫不效過先生求符水得愈初隱姓名至楚方知王文卿也回朝首奏仙異之瑞宣和四年七月奉皇

帝親灑宸翰頒赴寓地褒揚道德崇獎無為遣侍宸董仲允充採訪使同本路監司守臣

具禮延聘候送赴闕先生既至奏對玄化無為大道龍顏大喜賜館于九陽總真宮奉使

絡繹繁至頒賜金鞍御馬龍茶玉醞珍玩奇菓金錢幣帛並皆表還不受先生奉命入清

宮勅水洒掃奉賜劔孟引入內酒淨宮八掛金錢不計其數出宮門並撒于地上曰真人

也又問宮中有崇否先生奏曰宮內東南角上有崇問曰何以去之先生曰臣某符咒單使人速持去後寧門揚於波心聽其影響上

依奏行後人迴奏符入水中如人執去先生又奏曰良久雷震陛下勿驚果然雷劈開宮

中東南角上大檜樹死大蟒一條長數丈作兩截上不能勝其喜初京口有狐王廟乃石祠

皇帝置立奉祀年深一日廟中出火焚盡悉為草場執政張天覺行德政毀去狐王廟一



千餘所天覺既罷狐鬼乃結成群入內盜竊器血珍玩迷惑官人或登山嶽或遊殿閣種種作怪致幸寵女不少故先生到闕日上首諭之先生奏云願陛下淵默容臣驅治乞於京之東北門內築雷壇三層內安鐵甕至夜月明仗劍登壇飛符叱咤風雷大作天地晦冥中夜道官皆見將吏驅縛數鬼緋衣並入壇心先生以符紙蓋甕口作法埋之地皆震動凌晨入奏已禁狐怪此去無害但瑤池中梁朝有一黑魚在池成怪狐鬼乘此魚如龍形出入禁中驚害宮嬪今誅死已訖乞差中官併取往鬼門殞之永得斷絕上親幸瑤池果有死魚長一文餘曠服久之即於禁外壇所造殿堂道院圍繞其壇賜額司命府初先生往來提舉五日一次降香壇中建醮先生又進符一十二道用鋼鐵石三物刊其符藏于大內十二方位驅斬花草木之妖其後揚州久旱主上宣祈求雨澤先生奉乞劍水盂奉勅賜水盂并劍先生噴水一口祝云大宋皇帝命臣祈雨雨要霧霧風要拔樹揚州

千里之內並要霑足借黃河三尺急急如律令過數日揚州守臣具奏皆已得雨雨皆黃濁上問先生所降甘雨何為黃濁先生曰江河淮濟上帝皆禁之惟黃河水不禁故兩上大喜曰神哉宣和七年七月下詔文勅冲虛妙道先生王文卿可特授太素大夫凝神殿校籍視朝請大夫右文修撰參聽從素木幾又勅凝神殿侍宸後加同管轄九陽總真宮提舉司命府事父肇始贈承事郎母江氏贈太宜人先生上表乞還山林徘徊靖室混合帝一之道誦誦大洞真經祝延睿筭上不允又勅先生五日一次佩金方符入大內諸宮閣呪水滌穢除邪治病講明道德復遣中使黃瑤命先生就廣德宮行持南昌受煉司大法後度亡魂是夜先生飛符追被狐鬼所害宮人一一現形又發生天寶籙道遺度生上甚神之十一月有事于明堂又淫雨上召先生曰每遇明堂即雨雪凝凍傷損禁衛法物今次明堂專委仙卿就九陽總真宮祈晴先生許之自習儀日至明堂事畢果然大晴次

日上坐青華殿召先生入見上對宰臣曰今次明堂大晴實王文卿之力即命賜語休前太素大夫凝神殿侍宸再除兩府侍宸冲虛通妙先生視太中大夫特進徽猷閣待制主管教門公事父再贈承議郎母太令人妻平氏宜人叔王深賜承信郎第次卿迪功郎依幹當南郊出身先生又上表曰乞求仁智之帥預防西北妖氣仍乞還山養老御批玉府仙卿宜言歸所奏不允金賊猖獗王師敗績果合卿言為朕齋香二十合往中外降之保安宗社先生受香歸宮上遣中使黃瑤齋御香札全封朱章一函詣九陽總真宮玉皇殿焚之次特宣命先生審奏纔及一時中使疊至宣先生入內上宣問所上朱章報應如何先生洒涕奏曰陛下奏章中願出有道之君臨蒞天下殺臣一身以謝奏聞報應奉旨云輩則無悔上又問先生其理如何先生密奏上灑然之十二月二十三日禪位東宮先生入賀又數日遂降香出京欽宗皇帝靖康元年四月先生復趨朝乞還鄉侍母親詞

旨懇切上聽其奏紹興十三年高宗皇帝詔書來召先生不赴一日御武太守徐德脩過邑訪先生先生曰御武頃大旱因默朝帝所見所謂惠應神叩玉陛為民計甚力帝諭以數當然惠應與言其州窮且瘠民不可一日無穀辭甚切至卒得請而歲有秋徐守迴府述其事與士民翕然鼎新增廣廟堂深加奉祀惠應錄中盡言其詳紹興二十二年先生一日與弟子朱智卿言曰吾將隱去乃自持法書印篆入軍峯石洞間藏之仍勅令地神守護聽候有過行者遇之二十三年癸酉八月二十一日先生辭縣宰別交游於二十三日早起作頌題棺木云我身是假松板非真牢籠俗眼跳出紅塵頃畢隱化於縣之清都觀許於陽煉丹之室其時雷震一聲師遂化去弟子熊山人平敬宗袁庭植等奉葬于烏龜岡次年三月龍虎山郭道士至邑云上元之夕奏錄道場侍宸在宮住三日方去後有客自成都府歸中途遇先生入蜀亦間有遇先生傳道法者

歷世真仙體道通鑑卷之五十三

正一天師清微弟子 洪百堅 製作

道教學術資訊網站

歷世真仙體道通鑑續編卷之一

浮雲山聖壽萬年宮道士趙道一編修

羽一

王嘉

師名嘉字知名號重陽子京兆咸陽人遷終南之劉蔣村母感異夢而妊二十有四月始生時宋徽宗政和二年十二月二十二日也師自幼不群及長體貌雄偉而美鬚髯侷儻尚義不拘小節弱冠業進士係學藉好屬文才思敏捷始名中字允卿後入道改稱焉齊政元阜昌初金太宗天會八年封勳賜為王國號齊是南齊建炎四年撫治河外不及於秦歲屢饑人至相食時咸陽醴泉惟師家富魁兩邑其大父乃出餘以賙之遠而不及者咸來劫取鄰里三百戶餘亦因而侵之家財為之一空有司率兵卒捕獲將寘之法師曰鄉人饑荒拾路所得吾不忍寘之死地有司賢之遂釋不問人服其德金海陵揚王正隆四年師忽自嘆曰孔子四十不惑孟子四十不動心予猶碌碌如此不亦愚乎自是之後性少檢束親戚惡之曰嘗風來師受而不辭關中謂狂者為害風因以